

月山詩集



212

1121

月

山

詩

集

恆
仁
纂

中
華
書
局

叢書集成初編

月山詩集

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：·七〇·一八·一五·

七十一首

述懷

清

恆仁纂

字育萬。號月山。襄輔國公後。以不廉封失爵。事具後附墓誌。並後跋中。

憶昔趨家塾。行年總角初。書期通萬卷。時懼負三餘。受業悲于鵠。從師似郭舒。索居今幾載。不學待何如。

西園秋雨初霽

注。西園在案宅。櫺西。先叔祖花園也。

午牕睡足午雞鳴。雲散秋陽杲。吳明四壁。苔滋侵徑綠。一池水長與橋平。梧桐落處陰徐減。鳥雀喧餘韻。倍清。美景恰當新霽後。始知風月最多情。

上定齋叔父集太白句

注。先叔祖諱經。照。行九。先叔祖胞弟。

我家僊翁愛清真。青蓮居士謫僊人。吟詩作賦北牕裏。平生不解謀此身。寶書玉劔挂高閣。斗酒十千恣歡譔。一醉累月輕王侯。興酣落筆搖五嶽。手持綠玉杖。身披翠雲裘。時時出向城西曲。一生好入名山遊。登高望遠形神開。碧峯巉巖綠水迴。清風明月不用一錢買。拂花弄琴坐青苔。心愛名山遊。閒騎駿馬獵。羈金絡月照皇都。流星白羽腰間插。雙鶴迸落連飛翮。弓彎滿月不虛發。白酒初熟山中歸。香風吹入花

亂飛。餐霞樓上動仙樂。美人更唱舞羅衣。舞羅衣。揚清歌。金樽涼酒生微波。百年三萬六千日。歲歲年年奈樂何。

哭女

此日黃泉送爾歸。錦衾相伴一身微。可憐半月人間住。只博雙親淚滿衣。

凌風閣

倚山小閣號凌風。醉月眠雲亦此中。解得鳶飛魚躍處。不將得失問雞蟲。

春雪

客陰羈絆陽春腳。不放東君出天幕。半夜衾寒加布裘。夢醒始覺冰花落。烏雀林間曙不鳴。塔墀望裏光逾暝。平鋪屋瓦初沒溝。堅凍園花遲破萼。未嫌小徑積鹽絮。卻喜短簷垂洛澤。童子細意爲掃烹。主人嬌首自歡噱。幸有好景足娛賞。莫惜清詞一揮霍。迴颺落屑似憐人。縱屬無情不索寞。

詠塵

穿簾日影見飛飛。一陣輕陰何處歸。自有清心如皓魄。誰言素質化緇衣。馬前豈受將軍拜。扇底何勞丞相揮。寄語梅花詩欲就。筆端無復惹纖微。

題書齋壁

一室擁書坐。從朝至夜分。方知少失學。敢道近能文。有志絕塵俗。無人廣見聞。禮經原示誠。吾過在離羣。
上巳出遊

春衣載酒水南遊。柳下泉邊禊事修。十里城壕歸路遠。日斜還買釣魚舟。

詠燕次韻

六朝金粉未成灰。春意闌珊歎昨非。有約定教尋對語。多情爭奈是孤飛。空梁寂寂留清夢。故壘蕭蕭帶落暉。王謝當年舊遊客。似曾相識幾時歸。

清明

纔過寒食便清明。接踵良辰那可輕。晚榻火爐無宿燄。午街冰盞試新聲。聞人折柳還簪髮。稚子牽絲欲放箏。節物引人清興發。爭呼樽酒踏青行。

春日雜興四首

春在閒門春亦遲。會心不遠少人知。笑看蝶粉黏花藥。坐覺鶉黃上柳枝。竹馬紙鸞皆入畫。池魚籬燕互催詩。應酬景物妨疎懶。澹處拈來底事宜。

自喜行藏判少年。浮榮過眼總雲煙。卻因閉戶閒終日。轉覺空齋別有天。好客過時留早酌。幽禽曉處破春眠。園蔬見說青堪摘。一飽寧須費萬錢。

午醉初醒閒立時。賞晴真與睡相宜。茶烹蟹眼散香雪。煙袅篆形飄素絲。雨憶昨宵聲到枕。月知今夜影如篩。晚來會發花間興。行樂三人酒一卮。不用藏春向小山。提壺童子自知還。何妨對酒頤常解。且喜吟詩鬢未斑。美景良辰三月暮。籃輿竹杖一身閒。逢人莫話紅塵事。心在鳶飛魚躍間。

偶吟

聚石山當戶。埋盆水繞籬。園林佳趣足。魚鳥故情長。心不爲形役。詩因得酒狂。苦吟拈一笑。故紙畢生忙。

閒清書屋

數間茅屋榜城隅。每向人言勝野居。映几小牕因柳暗。環堦修竹入籬疎。心同止水清無底。境比華胥閒有餘。戶外塵鷄過不入。佳名畢竟屬吾廬。

古人有酒癖

古人有酒癖。贊頌不容口。甚至廢飲食。惟思杯在手。此語我不憑。此物我亦嗜。飲多不致亂。飲少亦復醉。美惡未暇辨。毀譽何由起。相視兩漠然。知是酒而已。

薄暮

琴書向夕靜。時復庭前步。歸鳥拂簷過。飛蚊當戶聚。涼風滿平臺。返照在高樹。茶甌煮新泉。晚煙起如霧。

遊爽心亭

冠者五六人。遊於十八盤。穿嶺探幽勝。因亭得大觀。紅塵暗城郭。白石攢峯巒。漠漠雲山合。鬱鬱松柏蟠。吾儕有逸興。杯酒共盤桓。坐覺夕陽低。浩歌天地寬。月林景物麗。誓將中夜看。忽憶歸路遠。回首空長歎。

秋海棠

欲風含露。傍低簷。猶似懷人淚未乾。一段可憐香自祕。靚粧小立。試輕寒。

對月

清宵一片如規月。流輝積素真奇絕。露下天高風未寒。惜前何事凝霜雪。對之使我胸襟開。當聽酌酒聊徘徊。小童掬水池邊戲。解道銀蟾入手來。

秋日雜興二十韻

白鳥廢其喙。黃蝶飛成族。百物咸金顰。旋暹炎威伏。出門寡朋儕。門戶樂幽獨。暇日一卷書。秋風數椽屋。依依中庭柳。後時失膏沃。萋萋培畔草。未霜還復綠。去年手植叢。枝頭紅可撲。多可餉觀知。少亦資童僕。小池鑿石成。受水可一斛。雙峯疊土爲。跛陀勢相屬。錦鱗二寸魚。青松千歲木。此雖城市居。堪作山林目。有時醉明月。金波疑可掬。有時過涼風。蕭蕭響叢竹。有時看霜葉。西鄰往來熟。秋圃萬樹梨。紅粧耀山谷。清景行處多。高興日相續。三時積之厚。九秋發所蓄。情適境易忘。慮澹事易足。閒居過重陽。言采東籬菊。

秋聲

氣轉清商候。秋聲動渚涯。誰家催急杵。何處動悲笳。雁叫高樓月。蟲吟靜院花。長林最蕭瑟。風雨兩交加。

全毓峯過余不值改詩一字而去

君不見都官未識前村梅。偏知昨夜一枝開。又不見江南尚書老好事。誰其救之溧陽尉。此皆古人一字師。君今于我亦如之。文章求工友求益。切磋肯使留纖疵。我歸歎服君已去。相思願見無朝暮。高軒重過細論文。幸開茅塞終成路。

過九兄書屋

注先九伯諱九如字錫驥先七伯祖子

喜從朱邸得閒身。比屋真成大隱鄰。鄰架藏書猶恨少。陶巾漉酒未嫌貧。應門童亦憐才士。坐榻賓還念故人。何必城居思野徙。高齋豈復染纖塵。

十一月望後夜作

是夜冬至

月當雙日滿。夜是一年長。對此閒無事。因之醉不妨。鐘煙滯過霧。竹影暗敲霜。坐久懷清賞。題詩志不忘。

歲暮用東坡韻三首

家家歲云徂。女工日相佐。恃此慰親朋。珍重若居貨。香纓麝帶長。彩索縹囊大。繡字龍蛇舞。織錦鴛鴦臥。草木及蟲魚。巧製足驚座。我欲賦其事。紙竹逢耗磨。同人富佳篇。良辰不虛過。安得起九原。更索坡翁和。

右
錄

古人惜寸陰。去日何遲遲。我今棄歲月。一往不可追。當此元律窮。臨歧恨無涯。新歲即悠遠。未必如舊時。嗟彼飲食人。所樂在甘肥。嬉遊墮學業。撫懷良自悲。吟詩爲相送。去去與我辭。明年倘繼作。驗取興不衰。

右
別

歲去何能守。何異添足蛇。聊復醉夜闌。羣居話周遮。杯空意未盡。如此良夜何。兀坐有所思。兒女且勿譁。竹馬稍罷馳。畫鼓亦停擗。不睡竟何益。忽忽燭易斜。無爲愛一夕。多年任蹉跎。好樂貴無荒。狂飲安足誇。

右
守

答九兄問小園杏花。兄近自山中歸。

手種三年杏。花開半畝園。自嫌穠李俗。卻比小桃繁。西子春酣酒。東坡日閉門。不知山寺賞。可許到黃昏。

吾宗室柳泉先生。工詩善畫。未獲侍教。先寄是詩。注。柳泉。

康熙諸王孫。文章一聚會。河間與東平。英聲遍四海。卻後二十年。詩筆有人再。泓淳柳下泉。直接松間派。松間。紅關主人詩集名。注。紅關。嶺。岳端。原封固山貝子。日余生後時。門牆隔濤瀾。死者去已遠。生者猶足賴。誓將載一卷。東脩修再拜。應念同岑草。未忍麾戶外。

盆榴作花憶荆公語作一絕

一點紅開萬綠枝，動人春色正如斯。驪山搖曳諸姨隊，不及西施溪上時。

枯柳歎

閒清堂畔柳枝新，昔年長條低拂塵。天橫禮李各鬪豔，此樹嬾嬾偏依人。豈知中路顏色改，根株半死當青春。草堂無色感杜甫，枯櫻病柏同悲辛。娑娑生意幾略盡，穿穴蟲蟻難完神。一枝旁抽獨娟好，亦有狂絮飛來類。人生寧無金城感，過情悲喜傷吾真。且把盃酒醉木本，榮枯過眼安足論。

詠史四首

七十有餘戰，八千無一人。自知天命在，慷慨死江濱。

右項羽

辟穀何曾辟，從遊也未遊。不知范蠡去，何似子房留。

右張良

一節軍門入，安劉功不刊。先儒譏左祖，事勢未詳觀。

右周勃

舉足分劉項，終憐走狗烹。酈生亦枉死，應悔鬻齊城。

右韓信

午日

夢回北牖午風遲，佳節庭前把酒卮。鼻孔塗丹雙子女，舌尖翦血八哥兒。藏他日三年艾，笑合深閨五綵絲。更喜謝公饒逸興，東山絲竹許追隨。

是日定齋叔招余觀劇

題清涼寺方丈

宜詩宜客已公房。入室惟聞茗椀香。幸有東坡容膝地。不須四大作禪牀。

蟬

夏木千章暗。高樓噪夕暉。清音宜遠聽。莫向近枝飛。

妾薄命

憶妾深閨裏。明珠羞自獻。幸得執衣巾。棄捐豈所願。蛾眉生嫉妒。疑謗起相尋。昔時青鬢約。今作白頭吟。灼灼路傍花。淒淒當門草。前款日以遠。後悔苦不早。薰蕕不同味。水火難爲儔。何關君薄情。妾命實不猶。

作暖室

西城居士亦何有。病臥三秋守破牖。修蛇赴壑景已迫。寒鴿營巢意恐後。構才不用棟梁木。選匠何必輪班手。重茅覆頂要如瓢。薄板圍腰真似斗。掃除精潔位置新。小架堆書几闕肘。一爐溫火供煮茶。半壁青山勸把酒。平生不愛住煖區。於今直欲稱喧叟。此間終日閉春和。門外寒風任牛吼。

古詩爲叔父壽

寶甲

我生幼失怙。笑笑十二秋。帝命世其爵。坐廢歲未周。注。雍正甲辰。先君年十有二。嗣後學與妾並。高堂憂叔父。敦天性。自昔孝友修。以兄愛及子。視我蘭玉儔。坐見婚姻畢。行將薤露侵。相依八九載。但覺日月遄。謂當承先志。永託無疆麻。誰知蕭蕭變。飛冤起逆囚。前年元咄訟。衛國幾無侯。先祀幸無廢。注。雍正。

王子。家人班達爾什狀。訟先叔祖。注。原訟並稱先祖亦有未清舊負。雖定著落。既無明據。免其追交。放棄知何尤。我亦遭羅網。芝蕙分同樵。聖主浩如春。終察覆盆幽。注。賄交。得旨。既無明據。免其追交。維時避位臣。素服歸林邱。遂成分析勢。居羣各不侔。一人苟不爭。衆口誰能咻。尙喜籍與咸。得遂竹林遊。志願良已足。人事乖所籌。舊負官吏催。遺址不可留。又賴什一助。注。時因措交賄項。拆屋變價。屋價不敷。先叔祖復毀數十椽添助。四壁未窮搜。蕭然一身外。受賜如髮稠。每思恩意厚。我力何能酬。今日攬揆辰。覆耳沸羣謳。願我稱觴意。感極恥言浮。古人天降祥。非以積善求。譬彼茨稼者。自有斯倉收。持此壽叔父。歡樂殊未休。坐客前致辭。此理非謬悠。

正月十二日西園見梅是日立春

臘前年後愈。愈過。杜詩。梅花年後多。始見東風第一枝。應是有心魁萬樹。不關愁睡破顏遲。東坡詩。怕愁貪睡。

杏花

杏花舊種茅堂曲。三度春風吹葉綠。樹頭樹底幾枝紅。欲開未開可人目。清香濕濕沾衣袖。上有羣蜂鬧。清晝。護惜應無鳥雀殘。飄零尙恐風雨驟。誰家聯壁賞花回。若箇孤筇藉碧苔。卻因疎懶成株守。相對朝朝但覆杯。

月

光景終無改。圓虧卻有期。四時春更好。一夜雨偏宜。纔見移花影。還驚落酒卮。虛牕看未足。鄰笛又催詩。

悼亡

內子于乙卯四月二十七日
棄世。遺一子。名卓立。

香奩猶傍舊書廚。長使安仁淚眼枯。觸物頻思白頭約。對人每誦黑心符。牀前匍匐誰當顧。堂上摧頽我獨扶。兩地關心應有恨。可能瞑日向泉途。

英石小山二

窺豹管中見一斑。兩拳瘦石自成山。迂行數步閒安置。便有茶煙結作鬟。杜家一簣依然土。蘇氏三峯未是山。何似幽齋牕外石。坐移大小兩煙鬟。

遊聖感寺

神京右臂西山尊。佛舍三百孰窮源。翠微之坡聖感寺。我來覽勝借弟昆。少憩龍泉鑑鬢髮。行穿松徑豁塵昏。笑語不知烏引路。逢迎早見僧應門。殿開我錫倚霄漢。軒廊翼翼通山園。正欲禮佛瞻師座。卻見題壁訝蜂屯。俗書昨視意先厭。惡詩細讀心滋煩。打油釘鉸不忍道。弄墨伏獵何足言。惜哉何人留佳句。橫遭塗改如金根。大書姓字示來者。意欲留待知音論。比來客子好遊玩。東西車馬爭轟喧。紫脂紅粉無虛日。污穢清淨真少恩。我願天公十日雨。爲洗終古山水冤。雲峯煙樹出奇麗。幽懷爽氣快吐吞。未妨沾濡累童僕。祇恐驚占愁猿猿。綠篔青笠吾往矣。遍收景物歸清樽。

伏日

新陰據老陽，不勝成初伏。平生苦炎熇，與世異趨逐。茲當避鬼節，猶然從古俗。瓜果陳小庭，湯餅隨所欲。飽餘閉戶臥，權據莫相觸。

守歲聞詞集唐

一想流年百事驚，夜深無語獨含情。近來欲睡兼難睡，斜倚熏籠坐到明。

遊清涼洞二首

北山秋未老，攜伴共幽尋。見說清涼寺，能消塵俗心。水銜餘虎跡，黃泉餘觀虎跡。石路隔蟲吟。乍喜逢僧話，停

驂紅樹林。

入家村過清涼寺觀。

湖口看將近，山腰行欲中。風毛盡蒼老，鴉嘴獨鮮紅。山多蒼風。鴉嘴紅嘴。巨石天開空，旁門路不通。洞旁有穴，異

時重到此，五月聽寒風。

春寒

戲問中庭桃李枝，今年何事獨開遲。司花不欲春歸速，特借寒風十日吹。

送春

春光九十日，倏忽去悠悠。燕自銜泥懶，鶯徒擲柳工。數番榆莢雨，幾陣楝花風。誰殿羣芳後，雕闌芍藥紅。

寄答全謝山吉士

詩人磊落何代無。平生服膺杜與蘇。邇來閉戶讀遺集。忽忽不知歲月徂。師心學古空憤悱。誰當爲我舉一隅。卽今咫尺杜蘇在。聞風不往胡躊躇。先生笑我稱詩臚。貽詩細與開迷途。少陵碧海掣鯨魚。長公萬頃波瀾殊。矍然滿眼欣在握。拜手捧誦邊嗟吁。但恐身微志空大。有負期許將何如。先生才氣雄萬夫。詞場騎轡猶其餘。志業未就坐名累。轅軻未若遇巾車。折腰五斗非吾事。幡然歸養田園居。先生不說縣令之選。歸養二人君不見纓冠峨峨來于子。賢如昌黎三上書。

內子亡二年。婦翁福公。欲以族女許余繼室。不知余不娶久矣。記初爲翁婿時。見贈扇上詩。有風流衛玠之句。似爲內子夭亡之讖。歸檢篋中。復有所感。作詩寄翁。注。先外祖。伊順里納喇氏。

非秦難稱岳。除巫不是雲。自知非衛玠。所愧負將軍。開篋尋詩扇。移鏡見繡裙。淚從初沒盡。感念更紛紛。
贈全毓峯

我昔兒童歲。雙眸何所同。珠懸漢曼倩。電爛晉王戎。銀海波新漲。銅關寇屢攻。相逢羞月姊。見戲惱天公。故友傳神術。旁方擅聖功。河渠洪水靜。山徑塞茅通。積垢辭青鏡。浮雲淨碧空。讀書緣未了。持此感何窮。

夏夜卽事

藤牀竹簾生風濺。單衣小扇夜坐時。上有揚輝之古月。下有無波之綠池。洗盡池邊自斟酌。幽懷獨愜無

人覺飛鼠捎簷月下翻。流螢度檻花間落。

九兄送槿一本。蒔之牆陰。一花開可數日。因悟槿性。見日則易落耳。

木槿如冷人。僻性畏趨熱。託根或非地。衛生每苦拙。幽齋牆之陰。植根適欣悅。曾無炎曦照。唯見露華澈。紅芳久蕪蕪。碧葉何鮮潔。坐令瞬息花。欲知晦朔節。向陽易爲春。近水先得月。人情自古然。何怪難諷別。

雨中讀書

癡雲暗後合。優雨秋來盛。俗謂秋多雨。爲秋優子。無力致羲和。且當尋孔孟。紫茗漱清甘。烏皮俯深淨。微吟鷓鴣和。快誦簷溜應。立見心志專。坐覺衣冠正。開卷已收益。掩帙猶生敬。午棋擣痛憐。卯酒刀箭橫。三餘不吾欺。萬事無此勝。

中秋無月

夕陽暗落雨霏霏。寒倚虛牕酒力微。不恨連陰同萬里。惟愁三序隔孤輝。吹雲南郡其人遠。玩月天峯此事非。憑仗新詩爲推轂。嫦娥速送玉輪歸。

月出九兄見過

萬里陰晴此夕齊。月明同玩鳳城西。景方天柱開樽賞。曲譜霓裳索紙題。九兄有已滿三人休顧影。未交午夜莫愁雞。憑闌久對光逾朗。無奈相看醉似泥。